



OPIS POSLOVA I ZADATAKA

TERMS OF REFERENCE (TOR)

**KONSULTANT/ICA ZA IZRADU METODOLOGIJE ZA MAPIRANJE SLOBODE MEDIJA I PRAVA
NOVINARA U BIH**

Jul, 2019. godine

A. Pozicija: Konsultant/ica za izradu metodologije za mapiranje slobode medija i prava novinara u BiH

B. Lokacija: Grad Sarajevo

C. Referenca na projekat: „Mapiranje medijskih sloboda i izvještavanje o poštivanju novinarskih prava u BiH”

D. Trajanje: 10 dana

E. O organizaciji i projektu

Naručilac usluga Udruženje/udruga BH novinari je nevladina, neprofitna organizacija čiji su članovi novinari, slobodni novinari, studenti novinarstva i drugi medijski uposlenici čija je osnovna profesija novinarstvo. Osnovni ciljevi BHN su:

(a) zaštititi i poboljšati slobode, prava i odgovornosti novinara kao i zaštititi ugled i dostojanstvo novinarske profesije i

(b) poboljšati pravo javnosti da bude informirana o dešavanjima u društvu, kao i pravo svake osobe na slobodu mišljenja, izražavanja i pristup medijima.

Od aprila 2019. godine BH novinari implementiraju projekat „Mapiranje medijskih sloboda i izvještavanje o poštivanju novinarskih prava u BiH”, koji finansira Ambasada Njemačke u BiH. Cilj projekta je smanjenje nekažnjivosti napada na novinare i drugih slučajeva kršenja prava novinara u BiH, te jačanje kapaciteta Linije za pomoć novinarima za praćenje, rješavanje slučajeva napada, prijetnji i kriminalnih djela protiv novinara i drugih medijskih profesionalaca.

Specifični ciljevi projekta su:

- Razvijanje metodologije, istraživanja i situacione analize o nasilju nad osnovnim novinarskim pravima, slobodi izražavanja i medijskim slobodama;
- Uspostavljanje brzog, pouzdanog i javno prepoznatog sistema informisanja i reakcije institucija i profesionalnih organizacija za zaštitu novinara u slučajevima kršenja ljudskih prava i ugrožavanja bezbjednosti;
- Kreiranje međusektoralne Grupe za monitoring medija kao nezavisan instrument za mapiranje medijskih sloboda i izvještavanje o poštivanju novinarskih prava.

Sa tim u vezi, BH novinari traže konsultanta/icu koji/a će izraditi metodologiju za mapiranje medijskih sloboda i kršenja novinarskih prava u BiH.

F. Obim posla i odgovornost konsultanta/ice

- Izrada jedinstvene metodologije za praćenje slučajeva napada, prijetnji, pritisaka i drugih oblika kršenja prava novinara;
- Metodologija treba da bude kreirana u skladu sa Preporukama Evropske unije za podršku medijskim slobodama u zemljama pristupnicama u periodu 2014-2020;

- Metodologija treba da pruži pouzdan sistem za praćenje institucionalnih i sudskih procedura, sa korisnim alatima, indikatorima i metodama za mjerenje uspjeha i rezultata;
- Jedan od sastavnih dijelova metodologije, osim kriterijuma za monitoring slučajeva kršenja prava novinara, treba da budu i mehanizmi za praćenje efikasnosti pravosudnih institucija u slučajevima napada i prijetnji, kao i drugih narušavanja prava novinara;
- Konsultant prilikom izrade metodologije treba da ima najmanje 3 sastanka sa predstavnicima pravosudnih institucija i predstavnicima Obudsmena u BiH, o kriterijumima za izradu metodologije i mehanizmima za mapiranje medijskih sloboda i prava novinara, kao i za kreiranje baze slučajeva.

G. Organizaciona razmatranja

Ugovarač će raditi pod direktnom supervizijom Projekt menadžera. Ugovarač će se konsultovati sa Projekt menadžerom i projekt koordinatorom tokom cijelog perioda angažmana. BH novinari kao naručilac posla će za potrebe realizacije projekta i aktivnosti konsultantu staviti na raspolaganje sav neophodan materijal (dosadašnju metodologiju, slučajeve kršenja prava novinara/ki i drugih medijskih profesionalaca...).

H. Autorska prava

Sadržaj podataka dobijenih tokom angažmana je podložan zaštiti i vlasništvo je BH novinara, te se ne smije, ni u cjelosti ni u fragmentima, koristiti na trećim stranama bez saglasnosti vlasnika. Upotreba podataka je moguća i opravdana samo u okviru aktivnosti projekta koji se realizuje.

I. Vrijednost ponude i plaćanje

Vrijednost ponude ne smije prelaziti 1000 EUR (bruto). Plaćanje usluga će biti izvršeno po izvršenju svih ugovorenih zadataka (5 dana nakon što konsultant/ica isporuči Metodologiju), a nakon potvrde Projekt menadžera da su svi navedeni segmenti usluge uspješno isporučeni. Ovaj ToR biće sastavni dio Ugovora, a Ugovor će precizirati novčanu vrijednost angažmana.

J. Kvalifikacije aplikanta

Kvalifikacije konsultanta

J.1. Formalno obrazovanje

- ☑ Visoka stručna sprema (VI stepen) – u oblasti društvenih nauka

J.2. Radno iskustvo i vještine

- ☑ Autentično lično iskustvo - dokazivo najmanje petogodišnje iskustvo u kontinuitetu i reference u vezi sa djelovanjem u NVO sektoru, kao i u izradi metodologije;
- ☑ Sposobnost rada u timu;
- ☑ Izvrsne komunikacione vještine.

K. Način i rok za dostavljanje ponuda

Svi zainteresovani aplikanti za dostavljanje ponuda, moraju najkasnije do 20. jula 2019. dostaviti sljedeću dokumentaciju:

- Kopiju diplome;
- Biografiju (CV), koja će predstaviti i Listu referenci - pregled radnog iskustva ili pruženih konsultantskih usluga u vezi sa izradom metodologija u NVO sektoru
- Finansijska ponuda

NAPOMENA:

Ponude se dostavljaju putem pošte ili lično na adresu: Udruženje/udruga BH novinari, Kralja Tvrtka 5, 71 000 Sarajevo